

元史書院
圖書部

南京
中央圖書館

逸史卷之二

逸史氏曰瑞雲公之卒也我大君既拘于尾不得

永祿三年庚申至
元龜元年庚午

○凡十一年

嗣立及其還也又為駿人所逼徙關境歸乎今川氏
之有流離顛沛參國空籍十有餘年自弘治季雖比
年往反于舊土而駿人猶領治所未致版圖羈次僑
寓非復歸也乃其踐侯位繼先業實在永祿歲次庚
申故予已叙述世紀因揭是歲以為編年之首蓋麟
經表諸侯即位紀元之義予竊有奉云

逸史

卷之二

○三年

○

懷德堂

○

永祿三年庚申春正月

天皇

正親町

追行即位禮

初。後柏原天皇之立也。以喪亂日久。府庫耗竭。

大禮不行者。二十年所。內大臣實隆西三條諭大阪本

願寺僧光兼。奉給經費。乃得成儀。詔陞光兼於淮

門跡。後奈良天皇之立也。停大禮。十年所。周侯

義隆措辦之。詔陞義隆從二位。於是藝侯元就遙

修其故事。詔陞元就從四位下。遷大膳大夫。賜以

菊桐章。大君義輝命三好筑前守長慶列諸侯。二月

義輝朝覲。長慶扈從。敘從四位下。遷修理大夫。夏五

月。駿侯義元大舉伐尾步騎四萬。次池鯉府。參我

光兼。蓮如之子實如。

備中守泰能

大君時次岡崎。以其甲會之。十九日進攻丸根。作間盛重邀戰。我師奮擊走之。獲盛重。追亾薄寨。縱火拔之。駿先鋒朝比奈泰能拔鷲津。焚之。斬飯尾定宗。義元謂左右曰。大高當尾衝。而守備罷弊。我欲代之。孰可者。僉曰。松平藏人威武亾前。乃馳使命之。義元益驕。親巡敵寨。曰。是蟻封之地。我當一踢平夷焉。遂移麾下于桶峽。尾侯信長聞丸根警。曰。大學不可失矣。投袂而起。左右能屬者。十餘騎矣。步騎千餘。及于熱田。行合諸砦。兵得三千。先鋒佐佐隼人等馳駿。師而歿。駿人獻其首。義元笑曰。尾人當殲。於是役乃張。

宴酣飲信長望丸根鷲津之煙令軍中日轉取山路
偃旗鼓直衝中堅時風砂撲面雷雨暴至諸將或諫
止弗聽梁田出羽呼曰奇策必有奇勝師競攀山踰
巔則址即桶峽矣皆鼓譟而下駿麾下驚擾駿侯親
出帳叱之尾士服部小平太望見而輅之駿侯拔刀
斫其膝毛利秀高鎗刺駿侯獲其首駿師大敗績尾
師追擊斬首二千五百級駿宿將大臣咸歿
逸史氏曰桶峽之事尾之幸而駿之不幸也我豈論
以成敗哉然駿之所以敗亦有自取耳蓋視其小尾
也可以知其驕矣視其虐參也可以知其吝矣既驕

毛利新介

且吝周公之才尚不足觀焉迺義元氏之不足與有
為者決也抑駿之封殖奕世雄視乎關以東當大有
為之世擁大有為之資而一敗塗地身膏鋒鏑國亦
終於不振可勝歎哉

大君在大高駿人從役者聞變皆遁群臣乃請退
大君曰軍中多訛言未可輕去會刈谷侯信元使人
赴駿侯歿且詰且尾人必迫宜乘夜而去大君
曰野州我舅然今黨尾言難猝信乃遣偵騎視之還
報曰信也駿營有烏尸皆東首眾爭勸還大君曰
暮夜昏黑恐迷失道當俟月而行敵能來我亦能戰

下野守信元

五郎兵衛長教
作真幸

不足懼焉。少頃雨霽，月出，乃整部伍，徐引而還。人服其宏度。於是駿人據尾地者皆潰，獨岡部長教保鳴海尾，師圍之，固守弗下。接戰甚力，織田氏愛其忠勇，乃行成，使致城而去。長教答曰：「請獲寡君尸，不爾有死已。」信長許之。長教奉喪而歸。嗣子氏真襲立，厚賞長教。尾侯分兵守諸城，振旅而還。初，我師之出，今川氏益留其人守岡崎。大君至自師，次大樹寺，不敢入城。及凶問至，守者棄城遁去。大君聞之，曰：「人遺而後拾，亦詎尤焉。」遂入。大君在外十四年而得立。時年十九，親戚舊臣皆集賀。先時所部多服從。大

君因欲掃平境內，發兵攻舉母梅坪，又伐廣瀨，戰于楚阪，破之，轉侵尾攻沓縣，焚其郛而還。尾人追躡，大窪忠俊殿，尾人不能逼。自大君始，即戎鳥居元忠每從，屢有功，是役亦疾戰，獲首級。大君將授以勲狀，辭曰：「臣有微功乎？君既知之，何記載之用？且勲狀者，四方游士所證其舊功，以要諸侯之資耳。臣守先祀，以事君，死生無二，藏之何為？元忠，忠吉子也。元忠宗，死事故，元忠承後，云桶峽之役，尾人既克，皆謂參當不戰而服，不以為意。及大君屢出師，信長弗懌，使謂水野信元曰：「子之甥桀，驚如此，子當取。」以來，信

元不能辭乃出兵六月十八日大君要之石湍十
 九日又戰于十八畷交綏秋八月大君復攻寺部
 舉母皆固守不出轉攻醫王寨久松俊勝先登寨人
 槍刺其肩俊勝揮刀斷秘直入縱火眾從之遂奪寨
 初毛利氏連年出兵略石於是平之冬十月大舉伐
 雲次赤穴為久頓之計上杉輝虎以關東管領為聲
 欲削平東土是月帥兵入上毛連戰陷數城東土多
 服從焉初河侯畠山高政為群嬖所逼出囚三好長
 慶帥師逐群嬖納高政擇人相之既而高政黜其人
 盡復舊嬖長慶怒曰是鴛才也不如除之於是與弟

紀伊守高政

上總介氏貞

右衛門佐義鎮

實休入河轉戰破之高政奔紀長慶乃併河徙治飯
 盛河十一月遣松永久秀徇和下之令久秀居志貴
 河駿侯氏真新立親暱小人荒淫亾度絕意於復讎
 三浦義鎮以面首有寵秉政好讒顯權綱紀始壞於
 是畏參寢彊欲圖之竊為之備二國始有釁大君
 乃出兵于東參略其故地

四年辛酉春二月刈谷侯信元出兵抄畧大君及
 戰石湍破之板倉重定據中島不服大君使松平
 好景攻之重定退保岡城大君親將伐之重定奔
 東參賞好景以中島先是駿使吉良義昭守東條牧

彈正重定一作守

左兵衛佐義昭

右馬允成定
出羽守清成

新八郎定盈

左衛門貞景

刑部貞吉

彈正左衛門正勝

美作守貞能

筑前守義長

下總守長康、康
作表

成定守西尾。牧清成守牛窪。以備我。中島以下並參三月
大君伐義昭。不克。以東條近中島。令好景當之。而還。
東參菅沼定盈。與其族貞景貞吉貞勝及西鄉正勝
與平貞能。畔駿。各以其邑來降。初三。好長慶子義長
入京師。大治其邸。長慶亦尋至。是月。享大君義輝下
新邸。義輝驩甚。心念晴元。為言之。長慶乃出。晴元給
以田。居三年。晴元氏綱皆歿。松永久秀。淡忌義長。有
才量。義長亦疾。久秀奸。請除之。長慶弗聽。越侯謙信
伐相。關東屬相者多降。轉戰迫小田原。城垂陷。謙信
一日如鎌倉。謁鶴岡祠。恚忍。城主成田長康。不恭舉。

八右衛門好重、伊
賀守勝重父

左近忠次
豊後守廣孝

扇拷其面。長康逃歸。以忍畔。東人多應之。謙信班師。
關東復皆為相。松平好景數出兵。與吉良義昭戰。夏
四月。義昭分兵攻上野。好景使子伊忠赴救。義昭聞
之。襲中島。好景擊走之。追至善明堤。好景墮馬。義昭
反兵擊之。好景中矢而歿。軍遂敗。好景五弟及板倉
好重等歿之。好景崇岳公五世孫。有膽畧。兼善國詩。
以醞藉聞。眾皆惜之。大君築津平小牧。令松井忠
次本多廣孝守之。以備東條。五月。駿侯氏真遣兵擊
菅沼西鄉與平氏。主人皆苦戰。自守者累月。駿師卒
陷野田。逐菅沼定盈。置戍而還。定盈尋襲而復之。藝

丹後守鑑連、又伯耆守、晚號道雪

日向守家成

侯元就之入周也。豐後侯宗麟旁觀不救，欲坐併豐前筑前及周、豐前郡邑。多應、藝宗麟乃出兵轉戰，累年未定。於是再規進取。六月，令其族戶次道雪等出兵于豐前，拔其數城。秋七月，大君率兵三千攻牛窪，駿人據鳥屋。參使松平信一、石川家成攻之城，依山嶮固守不下。大君至，自牛窪道經長澤。參自謂山下阻隘，鳥屋敵脫出，斷歸路，恐不能相救。乃分兵為二隊，麾下轉出山南，會鳥屋城中失火。山下眾錯意，麾下襲城，縱火乃馳上山。麾下見之，爭馳信一家成皆謂：大君來助，遂自奮先登。駿人驚皇，棄城。

肥後守忠貞、平八郎忠勝、後中務大輔平八郎忠高子

甲斐守義虎

伴五郎景通

而遁。本多忠貞以槍殪一人，顧姪忠勝曰：敵之忠勝時年十四，答曰：童子非因人成事者矣。進擊，殪一人，獲首級而還。忠貞白。大君曰：平八雖幼，膽氣可用。大君悅焉。吉良義昭與其弟荒川城主義虎有隙。九月，義虎因酒井正親降，遂邀正親合兵攻西尾。拔之。牧成定奔牛窪，正親假守西尾，欲伐東條。會義昭、土富永景通軍于藤波，欲攻小牧。本多廣孝乃與正親合眾要戰。松井忠次自津平赴援。成定遣兵助景通。成定、土須瀨宮內進要正親，正親築以稍斃之。景通關弓，嚮廣孝。廣孝把槍馳而刺之，亦殪。東條兵潰。

我師追尾鼓噪陵城義昭遂降。大君寘義昭于岡崎。使鳥居忠吉松平信一。成東條妻義虎。以異母妹。遂行賞賜。正親西尾。賜廣孝。景通。邑貝福駒場。長良。賜忠次。津平。尋赦義昭。復之。景通本姓伴。為著姓。富永大伴。設樂山岡瀧川。皆為同族。景通裔。後復伴氏。仕池田氏。云刈谷城主水野信元。欲弭參尾兵。迺往說尾侯曰。今川昏愚不足慮矣。唯我甥元康。雖少而勇智絕人。介二大國。間以微力。圖自立。其志弗易測。焉渠縱實與駿絕。勢必不肯來附。今力爭之。恐費歲月。公不若枉意與之。連和使渠當東面。公自啓西封。

左近將監一絲
伯耆守數正

其利大矣。信長悅。令瀧川一益為行人。見石川數正。行戒信元亦使人來請之。大君召群臣議之。酒井忠次進曰。今以區區之地。抗衡二國。實非全策。今川氏當仰瞻之日。唯酒色是耽。信讒喜佞。眾畔親攜。非長世之主。請許尾使數正及石川家成。酒井正親等。俱贊之曰。忠次言是也。大君曰。駿今雖有小釁。其若舊好。何僉曰。日者駿利君之幼。陽扶之。陰覆之。君之在駿十餘年。我租賦皆充其庾。我丁壯皆奔其命。死亾流離。慘不可言。桶峽之役。使君當丸根。又留於大高。此以至艱處。我也。成則彼收其利。敗則我受其

害殘賊之罪。神人俱怒。故天藉手於尾。以斃之。由是則駿我宿讎。非舊好矣。今加以嗣君闇弱。汰侈實天亾之之時。宜與尾和。以圖之。但室家在駿。未可遽告絕。是可以謀取之已。駿重絕我。必不加害焉。大君曰善。乃許平。信長大悅。使一益及林通勝會石川數正。高力清長于鳴海。以定封疆。歸其侵地。廣瀨舉母梅坪丹家寺部等之田。悉撤守備。大君請往盟。信長命修橋道。葺館舍。時夫人關口氏世子信康皆留于駿。諸臣家亦多為質。酒井忠尚聞。大君將通尾。自上野入見。曰。尾接境壤。實為虎狼。可和不可往。今

佐渡守通勝

英左衛門清長、後河內守、

夫人世子皆在駿。尾胡信我。且捐質債。好衆必疑貳。願熟圖之。大君曰善。然約已定矣。不容中輟。卿亦寘帑于駿。幸以見與。忠尚艱然曰。臣豈為百口地乎。拂衣而起。鳥居元忠本多廣孝平巖親吉侍焉。皆曰。將監必反。臣等請追斬之。大君止之。曰。將監言不為無理。亦未必叛已。而忠尚移疾不出。亦無反形。是月大友氏兵進圍門司。前毛利氏自雲分兵。令于隆元。隆景航海救門司。連戰不決。而罷。冬。大君如尾。尾侯令林通勝菅谷長賴瀧川一益迎諸熱田。既抵清洲。尾治將入門。尾人觀儀衛者。重沓謹謹。本多忠

九郎右衛門長賴

勝揮倉尖刀進當馬首叱曰吾君在此若等胡無禮
眾皆膜拜屏息尾侯躬迎而入植村榮政執刀從焉
衛士呵禁榮政瞋目曰身是植村新六奉寡君刀呵
者何也尾侯標衛士曰新六壯士曷聞其名今見其
面尾侯與大君盟載書曰尾宰天下參為之輔參
制天下尾為之佐有渝是盟明神殛之既盟饗之尾
侯召榮政賜酒曰鴻門再見舞陽大君至自會尾
侯欽大君英武郊勞贈賄禮意甚勤又使通勝長
賴來拜盟駿侯使人來讓酒并正親遣使者如駿因
嬖人二浦義鎮辭曰駿參世好帑皆為質豈有他志

帶刀左衛門宗景
掃部助村宗
美作守則宗

上總介義村又下
野守又左京大夫
和泉守能家
和泉守直家

但尾強大以敝邑密邇也日來相偪眾寡不敵姑通
和好以紓難耳駿若有事于尾請索敝賦以當前鋒
駿侯意解備前國主浦上宗景父曰村宗村宗祖父
曰則宗世仕國主赤松氏赤松氏既衰則宗以寵於
足利氏多食邑于播作至村宗其宗益強永正中村
宗弑其主義村奪國遂割播作而有之其宿將浮田
能家佐村宗有功能家孫直家嬖於宗景宗景庸聞
直家顯權得士心乃以詐術多殪封內諸豪皆併其
室富軼公室於是以岡山畔圍宗景天神山治所宗
景出奔于噴直家自立即治于岡山國勢滋張宗景



後入居兒島前備尋遇弒浦上氏山國。

五年壬戌春大君以西參悉復欲畧東參駿令鶉

殿長照守上鄉參三月大君使松平清善攻之不

利使松平伊忠久松俊勝松井忠次助之忠次發甲

賀細作十八人入城縱火為應我師競登拔之長照

與其二子氏長氏次挺身而逃追禽二子大君命

俊勝守上鄉初石川數正竊謂郎君在駿無有護衛

今川氏狂暴其危弗測乃欲往侍焉度大君弗聽

留書潛行氏真居恆重長照而酷愛其二子及二子

就俘痛惜弗措數正乃因關口義廣請易質氏真許

藤十郎長照

石見守氏長
三郎兵衛氏次

之數正馳人報之大君大悅送氏長氏次于駿數

正奉夫人關口氏世子信康至自駿人稱數正忠駿

氏長氏次皆來仕長照妹為侍姬生一女配北條氏直尾侯聞之許以其女妻

信康既而駿侯悔之遷怒殺關口義廣遂收我諸臣

任子盡殺之極其慘酷於是尾交益固而駿怨愈深

一條大納言房家以永正中避亂如土時細川氏寢

微國中不靖眾推房家為國司境內輯穆國有七大

夫輔政其貫首曰長宗部元秀世為岡豐城主元秀

專六族作亂元秀見殺其幼孤曰國親房家收而撫

之既長悉予舊邑與六族平通昏娶天文中國親舉

七大夫長宗部本
山吉良大比羅香
宗部安岐津野七
族也
宮内少輔元秀
宮内少輔國親

藤三郎元親後宮
內大輔又土佐守

兵與六族戰滅其一。弘治中又與五族交兵會病歿。其子元親剛戾善鬪乃勒衆大破五族又滅其一。四族悉下之威振國中。元親姓秦其先食采於信之長邑因氏焉。其裔如土嘗家于宗部又因氏焉。時有噴人香川氏亦居宗部而氏之遂以長宗香宗別之。云倭名鈔土佐國香美郡有宗我注曰曾加長岡郡有宗部注曰曾加倍後世作宗我部又轉作曾我部蓋謬混二者特致過長耳今正之夏四月引間遠叛駿來送款駿侯氏真遣新野親規攻引間拔之親規亦鬪歿先是氏

左馬助親規

肥後守直親
井伊萬千代

松下源太郎

真以讒殺其部下井伊直親收其城邑其子小字萬生二年氏真欲殺之親規與直親善為哀求收視焉及親規歿氏真又欲殺之親規妻匿諸佛寺獲免後直親妻改嫁參人松下清景乃迎取之及長英邁不群是為兵部大輔直政初佐佐木承禎入京師據白川與三好氏相距踰年河人泉人擁畠山高政假根來寺僧兵入津與三好實休戰獲之圍長慶于飯盛月餘五月長慶與阿人噴人夾擊大敗之高政出穴餘黨降散江人聞之遁五畿悉平秋七月高山參守將背駿來送款駿師攻高山拔之九月駿遣朝比奈

紀伊守泰長

孫六郎元正

左衛門佐清員

彈正重定

半藏守綱

夏目次郎右衛門

正吉一作吉信按

夏目即和名森

木至夏生芽故呼

為夏芽芽又轉為

源氏 卷之二十一

懷德堂

泰長襲取五本松參城主西鄉正勝參子元
 正守月谷參聞警赴救見父遇害冒泰長陳而參泰
 長遂拔月谷元正弟清員見捕行歷懸厓斷袂自投
 獲脫因管沼定盈告其狀大君召清員命正勝後
 辭曰元正有遺孤大君嘉之參大君親將伐板倉
 彈正于佐脇參以酒井忠次松平親俊為前鋒榆城
參即二牛窪與佐脇合眾迎戰于阪井我前軍敗分
 連參兩路而走渡邊守綱棗正吉各殿敵追甚急二人單
 騎把槍反擊數回敵不能逼大君聞敗馳援散卒
 復萃大君用矛親冒陣遂破之追參獲彈正進攻

目錄

佐脇拔之冬十月參天皇發中使託用幣于熱田
 祠密詔於尾侯曰朕聞叔氏偉畧為日多矣今朝
 廷衰絀姦宄縱橫叔氏幸養威力以圖王室若能
 肅清輦下修整宮闕興廢滯振乏絕使庶尹百司各
 得其所所以策不世之勲則予一人以懌因賜奇香暨
 衣一稱尾侯再拜稽首答曰今也大國雄藩不為少
 焉特賜寶命于小邦臣信長何榮如之臣請先平濃
 江然後弭節京畿謹扣天闕以拜命辱十月月享使
 者厚其贈賄遣歸榊原長政次子曰龜丸幼而沈靜
 好學讀書於大樹寺善筆迹於是成童大君召而

七郎右衛門長政

源氏 卷之二十一

○五年

○十三

懷德堂

小平太康政

右京大夫義長

七郎右衛門清長

祿之是為式部大輔康政。康政系出於仁木義長子孫居勢之榊原。因氏之其裔清長徙參仕松安公。是為康政。王父云。初毛利氏伐雲屯赤穴者。再期招納遠近。乃進移陣。違富田雲治所七里大城。洗命雲據之列十餘寨。欲不戰而屈之。故禁攻畧。嚴守備。割鮮犒師。高會歌呼。又邀四道博士。泊國詩聲樂。鬪香蹋鞠等。專門朝士。至自京師。日夜演習。以示暇豫。已而山陰山陽二道侯伯諸豪。往往通好。送款。尼子氏諸城降附相望。於是富田孤立。轉漕難給。城中大窘。十二月雲侯晴久卒。子義久嗣。

右衛門督義久

小原肥前

左近大夫景好

○六年癸亥春正月。大友宗麟使謂尼子義久曰。請夾擊藝滅毛利氏。以分其地。義久喜。修好。二月。大君遣松井忠次攻巖畧寺砦。拔之。是月。大友氏出師畧豐前。欲航于周長。毛利隆元軍于防府。周以備之。三月。大君親畧地。與駿。小原鎮實戰。小阪井破之。大君義輝奏請使聖護親王道澄。如藝。大納言源通興久如豐。講和二國。聽命收師。夏四月。長宗部元親與土佐郡吉良駿河戰。大破之。駿河出奔于嶺。香美郡香宗部景好懼而降。於是二郡諸城皆服從。二家竝舊七大夫之宗也。五月。大君出獵。深溝。其城主

民部大輔又左衛門督一存長慶弟

右馬頭輝元後中納言

按是歲九月大君更諱元康為家康

松平伊忠享之。大君賜之鷹。因曰：長澤要地，甲人窺之久矣。信玄、豪雄，非卿莫當之。六月，伊忠徒治長澤。王人留藝數月，又喻毛利氏與尼子氏平。秋七月，毛利元就疏上十事，辭成。王人不能強而歸。八月三日，好義長暴卒。蓋松永久秀毒之，而長慶弗知也。長慶亡後，乃取十河一存子義繼為嗣。淡倬義長死，忽忽廢務。久秀益橫。毛利隆元將如雲，途卒。九月，元就立嫡孫輝元為嗣。已而元就恐兵氣以喪，撓進。關白鹿熊野並又分兵入伯雲。侯義久亦屢出兵，所在應援。藝人累戰皆捷。遂下白鹿。退次洗合。冬十月，大君

藤十郎定頭後越後守

使菅沼定顯築佐崎，饗儲未備。定顯巡邑，徵發歲款，無所獲焉。見邑中上宮寺有募化齋糧委積，令人謂寺僧曰：新城乏糧，民不能給。姑貸此以副急，尋當償還。即命役夫盡數搬輸。寺係一向宗，一向其始祖曰親鸞，以蓄妻茹葷骨肉相續為宗風。嫡宗為本願寺。在大阪，勢擬王侯。支派蔓衍天下，愚民崇信最甚。天正後，揆之亂，沿習成風，動輒犯上。寺僧於是發怒，與本國同宗，鉞崎勝鬘寺野寺，本證寺土呂善秀等僧議聚門徒千餘人，門徒蓋歸依信從者也。遂鼓譟攻菅沼氏，劫掠罄室而去。定顯愬之。大君令酒井

正親治其黨斬首惡以徇四寺僧益怒合謀悉會門徒嘯集反側者舉兵而反各據寺為塹壘人授一符署曰是舉為法除敵前死即登天堂却生終墮地獄其徒相傳扼腕煽動士大夫亦多其門徒信其誑誘爭先往歸他或為親戚所招或欲因以釋私憾遁者日夜相望矢田作十郎渡邊半藏蜂谷半丞寬助大夫本多彌八三彌等數百人分屬四寺賊又說吉良義昭請擁以為主義昭乃以東條畔義虎以荒川應之酒井忠尚以上野松平家次以櫻井一時皆叛各舉烽燧首尾相應事起倉猝四境騷擾大君大愕

半之丞貞次
助大夫正重
弥八正信後佐渡
守三弥正重正信弟

部分諸將據城寨以禦之大窪忠俊聚族于輸出為岡崎聲援石川家成與諸公族攻上野榑原康政先登有功酒井正親攻荒川松平信一攻本證寺松井忠次攻東條本多廣孝與勝鬘善秀賊戰時賊勢猖獗我師未得志大君屢出赴救賊望見大君輒皆曳兵而趨風棗正吉從賊據野羽松平伊忠攻拔之禽正吉請而免之他年薦之曰正吉一時雖惑而天資義勇臣知其可用矣大君召而祿之後果如其言本多廣孝討東條與賊戰大敗之酒井忠次討本證寺戶田忠次奪後門入不能拔而還十一月賊

戶田三郎右衛門

總兵衛忠重後和泉守

崎賊攻輪田忠俊率族邀戰厚木阪一作小豆阪國讀通也諸書作傷大君親將援之合擊破之蜂谷貞次單騎退水野忠重追而罵之貞次揮戈反之忠重畏勢卻退貞次詬曰固知汝非我敵故不戰耳大君親馳蹙之貞次縮首而退松平金助追尾貞次顧曰君威咫尺我姑避之汝胡足畏遂刺殪之大君叱之乃驚走寬正重射平岩親吉中耳進將斬之大君又叱之亦驚走忠俊將兵進攻鉞崎次于伊田忠世與本多三彌相邀以銃忠世先發三彌傷而退遂與賊連戰

賊設策曰徒戰亾益今分兵于妙國寺斷其歸路夾而擊之彼必趨土井其地皆水田我急逼之先者沒淖後夫死兵可一舉而殲焉議已定蜂谷貞次忠俊女壻心傷其族不免乃單騎馳至妙國寺原上徬徨四顧忠俊悟收軍而還十二月大君親攻上宮寺天野康景與賊矢田作十郎馬場小平太等戰破之康景殪小平太高力清長本多重次攻土呂閏月本多廣孝松井忠次攻東條時尾侯伐濃方與齋藤氏連兵不能來援國事殆急而駿侯酣荒廢政亦不能乘我弊云

逸史氏曰。甚矣異端之害也。參人一聞邪誕之說。相率冥然。推刃乎君父。悖逆之辜。固不容誅矣。夫佛入我邦。千有餘年于此。其蠹國毒政。莫世無之。及至王室之衰。獻嶽寧京之巨剽。動輒抗兵於魏闕。可憎之甚者。然亦唯姦僧猾釋。冒利訴屈。以恣其披猖耳。乃至列士大夫。一朝倒戈反噬。禽心獸行。若是之甚。則振古未之有也。吁。嗟。上失道也久矣。其御世帥民。長槍而已矣。大劍而已矣。禮教蕪蕪。學術湮晦。夫人茫然罔所持循。足利中葉。威力亦衰。妖妄之辭。投間橫出。構成一揆之難者。既三十年。時人慣見。或謂釋教

所存名教可廢矣。以致今日大逆之變。當初長國家者。不得辭其責矣。抑異一向之教。其爲說也。膚淺鄙俚。無足道者。而其蠱惑人心。比他爲尤甚焉。蓋以其單立成佛報恩之說也。亾學之人。皆能曉解。以流俗自居也。愚夫愚婦。易因易親。以子孫繼續也。天下人情。常有所繫屬歸嚮矣。是以自其肇祖。至於斯時。三百有餘年。其勢張皇輝赫。日甚一日。在昔唐時。蜀有獠村。其民剔髮。若浮屠者。畜妻子自如也。李德裕下令禁止。蜀風大變。惜矣夫。國家初時。無德裕之見。不能制之於始。而終以至蕃衍盤互。末如之何。今也其

支派布滿郡國窮侈恣欲傲然無所施為而萬姓傾
貲奉給仰以為活佛可怪可駭吾懼後世滔天之患
其必在于此也

七年甲子春正月三日 大君將討佐崎既命置砦
賊焚作岡二撓之會刈谷侯信元來賀正 大君見
煙起辭信元擐甲而出信元從焉 大君使輪田兵
當佐崎徑至小豆阪與賊遇近藤新一射 大君中
繼 大君怒親馳冒陳師與信元軍爭擊卻賊斬其
三將十一日賊分土呂鉞崎野寺兵圍輪田大窪忠
俊率族接戰忠勝忠世皆傷賊爭進 大君聞之馳

中根喜藏

內藤四郎左衛門
源五左衛門高綱
守綱父

救中根利重前擊賊與渡邊半藏遇而傷鵜殿康孝
歿之賊勢銳甚我師殆敗 大君督戰單騎馳之時
銃制既徧兵士習熟 大君屢中丸不入石川十郎
執槍駑 大君內藤正成射而殪之又射渡邊高綱
洞胸而歿日入交綏 大君還解甲則銃丸墜者二
二月酒井正親會刈谷師與賊戰于櫻井野寺破之
大君親擊本證寺賊于西野設伏破之十三日佐崎
賊以矢田作十郎為將攻岡崎 大君曰作驍健善
鬪賊恃以為重彼負其勇每戰必先眾今日必取之
乃令銃手曰狙先者打之及戰作果先進中丸而歿

賊遂潰時賊屢挫衄人人疑懼相悔責曰吾儕信安言抗兵君父大逆之罪無所逃焉於是衆心攜貳無復鬪志或勸本多正信歸順正信固執弗從蜂谷貞次因大窪氏謝罪請降大窪忠俊白之。大君且曰。今天下糜沸強吞弱大併小而境內分裂舊臣宿將半爲叛賊四鄰或伺虛乘間其危弗測不若因其有悔心一切赦之以固邦基。大君領之貞次乃與衆議要以三事其一將士降者祿秩復舊其二寺院僧侶亦皆依舊其三魁首減死罪一等。大君聞之曰。他皆如所請唯魁首不可不誅忠俊固諫曰賊之向

背未可知枉許其請以安反側實宗社長策客歲以來臣族躬冒鋒鏑死傷相尋若錄微功臣請以賞代之彼蒙再生使之爲先鋒攻上野東條以功自償水野信元亦數爲請。大君黽勉從之。廿八日令貞次率鉞崎賊會于輪田以盟賜書悉赦之使石川家成率降將蜂谷貞次渡邊守綱等如土呂呼賊謂曰若等大逆罪不容誅但以水野氏爲若懇謝哀求特從寬典降者一切赦之。蔑有所問賊皆投戈拜舞佐崎野寺賊相尋皆降乃使之爲先鋒攻東條吉良義昭請降不許義昭奔江又攻荒川義虎奔河內松平家

次酒井忠尚皆降家次信定孫大君以其三世圖不軌欲誅之忠俊固請而免之家次尋卒忠尚雖屢叛亦宥之封內悉平乃檢四寺及士人爲戎首者或蔽痼不回若本多正信等皆滅滅逐之爾來世宗逸史氏曰若是乎參國威刑之不立也夫必罰之與信賞並行而不可偏廢者雖三代之治亦是物已妖賊恣其毒螫視勢不可乃賣降市恩大君英武有意於正其罪而大窪氏老謀建匿瑕舍垢之議隨以虛喝之說大君亦不能無恟疑勉強從之威刑一無所施豈不惜乎哉書曰天討有罪五刑五用哉又

曰穢厥渠魁脅從罔治未聞宥元惡之歟悉復黨與之官秩令其與功臣駢肩翱翔是不翅惡人所懲善亦無所勸其曷以爲政賞罰之柄爲人上者不可不慎焉

逸史氏又曰當時敵國壓境外患接踵而變生肘掖禍延數月實殆哉岌岌乎大窪氏虛喝之譚未爲懸空無據然則帷幄良圖爲之果何如曰夫方事之殷勢似可畏然潢汗之水幾何不涸國人雖懼一時誰誘而秉彜之良弗可泯焉故當其煽動嘯集之初勒移馳檄諭以大義諄復喚醒焉乎倫理之重順逆之

大雖以佛說之誕烏得而汨之乃若惑之未湮與他故入黨者不得不猛省豁寤改轍而徠歸暴漲之勢一半可殺矣又乘其敗衄之機厚賞購之以啓其自新之路乎則賊黨攜貳右嫌左猜元兇之首可坐而致焉是事之至要而理之所必戡定之功旬月可辦也參國明良之會算宐無遺策而未始聞有隻字之喻寸金之購徒臨以威力特爭長幼於鋒刃之下抑末矣吾則惜之

三月 大君徇東參夏四月小笠原康元率其族長隆貞慶等以幡豆來降請伐吉田田原以自効大

新九郎康元
右馬助長隆
喜二郎貞慶後右
近大夫

朝比奈肥後

君出兵助之又置砦一宮以逼牛窪牧定成清成以牛窪降五月今川氏次掛川遠為吉田田原聲援分兵圍一宮大君帥兵二千赴救與駿偏師八十遇擊走之次本能原氏真不戰而罷戶田主殿畔駿以榆城來降小原鎮實為駿守吉田朝比奈元智守田原六月酒井忠次與小笠原康元戶田主殿牧定成攻吉田決戰蜂谷貞次中銃丸而歿本多忠勝擊敵卻之既而駿師不出吉田孤立食且竭鎮實請成致城而去大君賜吉田忠次本多廣孝攻田原破外城元智致城而去大君賜田原廣孝修理大夫長

安宅攝津守冬康
長慶弟

右京大夫義繼

右兵衛大夫龍興

三左衛門信成後
豐前守

逸史 卷之二

慶久病而憤松永彈正幸之譴安宅冬康以反掩殺
之已而長慶聞其亾罪也疾更劇秋七月卒年四養
子義繼弱其族與彈正及岩成主稅爭權政大亂八
月尾侯克濃濃侯龍興出奔齋藤氏亾尾侯徙治稻
葉山濃改名岐阜酒井忠尚復貳潛以上野附駿九
月酒井忠次本多廣孝討上野內藤信成尚少先登
有功忠尚部下士憎其反覆皆出降忠尚奔駿愧怍
成疾尋歿云大君又攻御油寺部皆拔之東參悉
平甲侯信玄聞大君英邁疆土日啓使人來通好
大君喜許之筑後諸豪幸世亂往往自立罔攸統屬

大友氏既與毛利氏平海北亾虞乃圖南勦是歲出
師入筑後攻井上麥生猫尾諸城數月下之高嶺來
日牟田柳川高尾高良等皆下國中悉平

八年乙丑春大君始置三奉行命高力清長本多

重次天野康景爲之清長寬重次猛康景慎重相左

右而政治太行境內悅服時人爲之語曰浮圖高力

夜又作作左衛門重次彼此無方天三郎三郎兵衛康景藝世子輝

元及吉川元春子元長皆弱二月始帥師抵洗合請

躬攻富田藝侯悅曰真吾孫也遂議進取三月遣兩

川先取富田麥夏四月元就悉衆三面攻富田雲侯

九郎倫久
八郎四郎秀久

右衛門佐久通
日向守長緣
下野守政康
主稅助左通

義久與弟倫久秀久同出城接戰各當一面殺傷相當元就曰堅城勅敵未可力爭也乃退復次洗合大君義輝患三好松永偪津人或流說公方氏將有所討義輝方治第門牆未完松永久秀曰可也五月與其子久通及三好長緣政康岩成左通擁三好義繼潛兵入京師十九日急圍二條第義輝親出拒之侍衛皆歿乃縱火自殺足利氏凶長慶之歿也以義繼尚弱遺命三年祕喪未周歲而難作其徵兵以長慶令故時人皆曰長慶弒君事久不白也義輝弟二人一日覺慶為南京一乘院主一日周髡為鹿苑寺主

兵部大輔藤孝

三好松永誘周髡殺之夷川街幽覺慶於院初阿足利氏託三子屢求入三子乃迎義榮故將軍義植孫于阿義榮疑懼未至會久秀與三好族生釁各授甲於是反側子爭舉兵畿甸復大亂攻戰不息秋八月細川藤孝奉覺慶出奔于江覺慶髮而更名義昭藤孝三淵伊賀守晴貞子晴貞一作宗薰蓋晚號也或以藤孝日三淵氏先足利尊氏庶子也皆未有明證矣細川右馬頭元常取為假子因冒其姓云九月毛利氏復進軍築長圍逼富田益斷其糧道冬詔叙足利義榮從五位下任左馬頭九年丙寅正月松永久秀以亟敗退保界府二月三

月山富田城郭山名

好族大舉迫之。久秀行成。夏六月。足利義榮以舟師至津。諸寇聞之。多弭散。尼子氏受圍。既七年。城中食盡。外絕。救援。人人危懼。初。毛利氏之逼。月山也。所在置關設戍。執城中逃者。輒斬之。因榜於城下。曰。亾者。降者。無男女少長。必死。城中惟怖。無一人出者。蓋欲亟竭其糧也。已而料城中已餒。乃悉撤關戍。更其榜。曰。亾者不追。降者不拒。皆從寬典。於是雲人爭潰。舊臣宿將已下。賣降者相踵。城中不過數百人。會藝侯元就嬰疾。月餘不瘳。兩川以元就年高。恐有變。乃勸降于城中。秋七月。雲侯義久出降。雲亾。藝侯拘義久。

川副美作守
中井駿河守
山中鹿之助
立原源太兵衛

久秀久。送諸藝雲遺臣。川副常重。中井久包。山中幸盛。立原久綱等。比木入。跋涉而至。請從藝侯。不許。半途饗而遣之。毛利氏於是併有藝。周長石二備。因伯雲隱。世稱為十國侯。逸史氏曰。嗟乎。尼子氏受圍七年之久。而無他伎倆。坐以挨斃。可謂拙矣。毛利氏勞師勦氏。取快乎。必勝。喪亂之世。而四境亾。他虞得專力於一方者。幸耳矣。一時訛以為老謀良圖。豈其然乎。要之。去成。奔敗。蓋君子無取焉。八月。賊黨以二條第。燼權實義榮于頓田。津冬十二。

右衛門尉信盛

筑前守種實又長門守

月詔叙大君從五位下任參河守
 十年丁卯春二月詔拜左馬頭義榮征夷大將軍
 三好長祿等求媚新君不禮義繼義繼志潛奔界府
 夏四月松永久秀擁義繼募兵入南京長祿等帥師
 擊之久秀夜斫其營燔東大寺長祿軍潰大君結
 世子信康昏于濃五月濃侯信長使作間信盛送幼
 女秋月氏之囚其孤種實潛匿有年於是舉兵求援
 于藝襲秋月城陷之所在響應豐侯義鎮出兵伐之
 不克甲侯信玄見今川氏荒淫信讒疆日削懼參併
 之以偏己也欲先取之秋七月使人謂駿曰今東參

山縣三郎兵衛

武田太郎義信

諏訪四郎義信

已叛駿而松平氏寢強即以東參見與我日出師以
 除君害以姻好之故敢布腹心氏真揣其譖怒與甲
 絕信玄乃使山縣昌景來曰請併力滅駿割疆於大
 井河以修鄰好大君許之冬十一月甲侯殺其世
 子義信初義信勇而得士心既為世子甲侯以我逐
 父也恐義信效之嬖人子勝賴有寵讒間乘之甲侯
 下義信獄執其黨八十人誣以謀逆皆斬之濃侯信
 長聞之求昏取甥女為女室於勝賴信長妹夫濃之苗木城上遠山
勘太郎女尋生子信勝而卒義信幽囚四年於是就死眾皆冤之
 義信妻今川氏駿侯妹也是歲大歸駿侯滋怒

十一年戊辰春正月十一日。詔任大君左京大夫。甲侯統下皆山國。仰鹽于駿相。駿侯與相侯合謀。禁商賈。絕甲鹽漕。甲人大窘。越侯謙信聞而嘆曰。夫二家不能以武加甲。乃困人以卑怯下策。可憎矣。甲雖仇讎。其民何辜。因修書甲侯曰。公與寡人所爭在武。駿相下策。寡人所惡聞。自今通商販給。以北鹽請信意取之。遂下令賈人口務平鹽價。毋有擅利。既越甲水陸。轉漕相接。甲人深服其義。初西園寺氏避京師難。適豫豫亦分裂。無所統。眾推西園寺為國司。實諸守和島。至其裔公廣。國中益亂。舊族河野通直

彈正忠通直

遠江守豐綱

宇都宮豐綱交兵積年。公廣不能制。通直嘗送款於藝。因求救毛利氏。遣吉川小早川率舟師赴援。豐綱求救於長宗部氏。二月兩川與通直合兵進戰。存拔數城。豐綱竟降。長宗部元親出師不及。而罷。公廣亦納款于藝。豫悉平。藝侯權令通直為守護。二月我師畧遠。久能城主宗能宗強。而地險高。力清長度。其力取勞眾。緩頰說之。宗能乃畔駿。以久能來降。松下之綱以西冢降。近邑望風歸降。松平信一。榑原康政。擊下堀川。大君伐鬱山。取之。足利義昭之奔江也。依佐佐木承禎。屢求入討賊。會湖人作亂。承禎以難辭。

久能三郎左衛門
宗能
嘉兵衛綱作
元綱蓋以字似誤
也

右衛門佐義嗣
左衛門督義景

焉居三年承禎子義弼與三好氏通謀將攻義昭義
昭迺行及若若小而弱適越前朝倉義景不禮焉義
昭益窘聞織田氏新國于濃壯武罕比將適使卜人
泰華筮之遇臨兌下之節坤上兌下絲曰知臨
大君之宐吉曰是為上柔下剛柔以應剛以知臨下
不自用而任人不勞而治往為大君得其宐其貞澤
也其悔地也以地臨澤為勢也親矣下說而上順是
以元亨吉孰大焉秋七月令細川藤孝上野清信如
濃請為討賊濃侯大悅使人迎義昭急規進取以湖
南當路也發使招諭之使者二反承禎弗答先是津

中務大輔清信
作秀正

荒木攝津守
中川頼兵衛

諸城主以足利氏既亾也益分黨相攻八月池田勝
政與伊丹茨木高槻有馬四城主戰于稻寺敗之又
戰于白井磧勝政統下荒木村重中川清秀等健鬪
復破之清秀獲高槻城主和田伊賀守村重斬茨木
佐渡守遂拔茨木據之豐侯宗麟與藝人戰破之遂
伐秋月降之九月濃侯信長大舉伐湖南使人來乞
師大君命松平信一帥騎二千會之十二日攻箕
造信一疾戰斬首二百進而門焉呼聲如雷濃將作
間信盛丹羽長秀木下秀吉繼之奮擊城遂陷轉取
和田湖南震懼未浹旬望風潰者十有八城都城聞

五郎左衛門長秀

德川家

十一年

二十八

懷德堂

右衛門大夫賢秀
藏人盛友

之亦潰承禎宵遁匿甲賀山谷佐佐木氏囚其統下
日野城主蒲生賢秀獨保守以死自矢濃侯嘉其節
賢秀妹夫神戸盛友為濃往說之乃出降濃侯復其
邑召松平信一賞以桐華戎服日子瞻有毛矣木下
秀吉尾國愛智郡銀杏村一名中村人父曰彌右衛門小
字日吉或云母夢大陽入懷生之故名焉八歲而孤
邑人筑阿織田氏微者謝病歸畊因納為繼父生
男秀長及一女日吉既長稱藤吉豪邁有大志嘗為
松下之綱奴改稱與助竊金而逃資以筮仕于尾信
長愛其才幹從軍又亟有功因列將校累食三千石

自病其寒微而心竊慕丹羽長秀柴田勝家號武廼
設姓為羽柴及信長徙濃益見任用云賊黨聞濃師
出分兵戍京師將軍義榮猶在頓田發疔暴卒廿三
日濃侯迎義昭于師廿八日率兵五萬入京師賊戍
望風而遁廿九日柴田勝家圍青龍寺城岩成左通
以城降京師平信一辭歸冬十月朔濃侯南下攻池
田城主勝政出降三好長緣政康等挺身奔阿高槻
芥川越水並飯盛高屋河等皆降潰三好義繼松永
久秀及其族黨皆降不出數日津河悉平濃侯班師
次清水寺館義昭於本國寺下令秋毫無所犯盡蠲

關征徭役朝野帖然廿二日義昭朝覲詔拜征夷
大將軍是為廢大君敘信長從五位下任彈正忠義
昭欲令濃侯為管領朝旨擬以副將軍皆辭不受曰
今日之舉臣非自為也乃令揀取畿內地又固辭但
置吏於界府大津以管之廿五日辭就國義昭賞資
甚厚呼為阿父
逸史氏曰義昭氏之入義在復讎信長氏之出名在
討賊宜直取三好松永加以顯戮暴白其罪以對天
下夫然後足以酬其志京畿風靡巢窟既覆二氏實
几上之肉何難之有今乃甘受降容通不復以為意

備前守長政

夫復讎討賊之實安在哉是知義昭藉以徼富貴而
已矣信長托以啓雄圖而已矣志滿欲足委墮至此
君子以此十二君之不終然觀信長恭謙之美法政
之修猶可以有為也唯義昭碌碌
筒井和侯順昭孫順慶有膽略糾合郡邑竟併半國
是月織田氏令松永久秀伐筒井以自效久秀亟戰
輒克順慶乃請降于濃織田氏知其可用也乃許之
悉予其所併順慶亦淡結納緒谷侯淺井長政有湖
北織田氏之滅湖南也不抗亦不服於是見濃日強
懼求成信長悅許之以妹女之十二月甲侯信玄伐

駿次空總駿大君帥師畧遠下井伊谷刑部管沼
 定盈與有力焉大君賞以其舊邑在遠者會引間
 遠守將與其屬有郤相兵而歿廿八日大君入引
 間招納馬伏高天神並初駿侯氏真信讒群臣攜貳
 邦俗每中元士女麗服設場拍舞嬖人義鎮好之以
 愆慝駿侯駿侯大悅盛行之國中靡然成風競出新
 樣窮極奢侈士民男女襤褸無別駿侯日夜飲賞接
 冬而後罷年甚一年民間往往廢畊織士大夫窮者
 或粥甲仗鞍馬以給其費其不之為者目為詭異百
 方陷之上下解體愁怨載路統內諸豪皆懷離畔甲

侯聞之密結駿人以厚賂及甲師至駿侯親將次清
 見寺師不戰而潰駿侯遁還會群臣議守備無出一
 語者退而皆逃諸城爭降駿侯奔砥城甲師入縱火
 大掠都城燼焉駿亾初義元作書誡氏真曰若既長
 未棄幼志鬪鷄走狗文武兩廢今而弗悛其喪邦覆
 宗必矣氏真不以為意至此果驗人昧之類也
 逸史氏曰駿之事豈足道也哉當其枕干仰膽之初
 業已溺心乎酒色尸位九年復讎之舉寥寥亾聞隨
 以亂風繼以巫風其亾之忽諸空矣今川氏先世已
 有庭訓語意樸實今尚行乎盲俗又加以義元氏規

伯耆守晴近一作信友

左京大夫氏康相模守氏政又左京大夫氏直

戒之切寔有先見之明而氏真憤然可嘆爾古稱知子莫若父猶信風其心之惑而安矣今則又出日朝比奈泰能為駿守掛川地險食足乃迎駿侯召募義勇甲將秋山晴近帥兵濟大井河而西使人招久能城主宗能弗聽晴近攻久能參人救之敗于見附遠大君忿使讓晴近日我遵約圖河西若胡擾之即不亟去我且親出晴近懼而引去大君攻掛川連塙壁偏之數日接戰不決大君退次見附初氏真娶相侯氏康女氏康子氏政娶甲侯信玄女生子氏直甲相方睦甲侯既滅駿懼相之督過使人告駿

○

罪且曰請與相割境富士川以分駿焉相侯氏康大怒拘其使者戒嚴大君奏請復德川氏德川氏十二年己巳春正月詔報可大君因定以德川為宗氏松平為族北條氏伐駿納氏真磔殺甲使者次薩埵邦制磔刑與殺而張尸異武田氏聞之使山縣昌景守駿府親軍沖津蒲原之間及相人相距不決三好氏黨自阿入津松永久秀岩成左通復畔應之五日入京師圍大君義昭於本國寺護衛皆殊死捍禦三好義繼獨助義昭擊賊細川藤孝池田勝政荒木村重等率兵入援賊遂散走濃侯信長聞警率兵五萬馳入

京師久秀左通復降餘悉逃入海信長乃論功行賞
盡毀賊黨邸舍在洛者為義昭治第就二條舊址拓
其東北課畿內及二丹若播勢參諸侯佐役信長館
于妙覺寺躬親監視以至成士臣或執畚鍤云大
君復攻掛川次引間嚴禁劫掠撫循百姓使謂信玄
曰掛川孤立可指日而定前日割界之約何如信玄
曰謹若約矣十七日大君進陳天王山以銃手薄
掛川城兵屢出我師多不利廿日氏真潛遣人謂久
能宗能父宗明日我欲夜斫敵營汝自後應即我得
志以遠賞之宗明許諾召宗能言之弗從廿一日使

八右衛門宗明

者復至戒期宗明悔與宗能入見告故大君命伴
受約設三覆城外及期敵選精騎潛出夾擊破之獲
將校五人師遂門焉主人堅拒不得入二月大君
置戍退次見附定濱名都築並遠豐侯宗麟欲圖肥前
乃遣戶次道雪等圍佐賀龍造寺氏治所與肥侯隆信鬪踰
月不決三月我師復攻掛川七日戰于西宿大破之
獲將校三十六人追區傅城環竹盾逼之主人發舟
師自懸冢津出我軍後大須賀康高柳原康政島居
元忠邀擊走之大大君退次引間會氣賀遠盜起聚
黨千餘將斷我歸路大大君不之知與十餘騎馳過

○十二年

○三十三

懷德堂

賊亦不知既而遣兵討而平之梟其渠帥餘悉赦之
夏四月二條第成設墜塹峻門牆飾池臺聚花石周
以侯邸六日濃侯奉將軍義昭徙新第享諸侯佐役
者遣歸之甲侯相侯相持累月食且盡各置戍收師
常陸介源義重新羅義光裔胄世有常之佐竹因氏
之關東故家稱八第佐竹氏居其一土豪多服從相
侯之滅上杉管領也諸豪畔附相及甲相結兵往往
復為常於是義重頗得志與北條氏交兵不弭先是
北豐北筑諸城稍稍畔應藝太友氏遣兵討之毛利
氏救之好復敗是月毛利氏益出兵令吉川元春小

納比奈彌太郎

民部丞貞勝

早川隆景攻橘前筑築長圍逼之掛川力屈今川氏真
欲奔相使人先相侯許之乃令朝比奈泰勝因石川
家成酒井正親行成大君許之且曰甲有併駿遠
之志今以遠見與當與相合兵伐駿以圖復歸氏真
請盟大君乃交載書五月六日氏真奔相大君
遣松平家忠護送達之戶倉戸倉遠遂平大君進抵
掛川予之石川家成令撫綏新附織田氏病京師耗
廢朝儀衰歇念所答昔歲朝命首欲修造皇宮令
村井貞勝董役以民力凋瘵日久故寬其期乃先實
府庫考律令定法度十一日辭還留羽柴秀吉護京

大和守親興

內藏助資久

關東次郎右衛門

師又分兵徇但池田勝政伊丹親興導之但人望風降附遂伐守護山名氏滅之旬月定但而還大君巡遠兵厘數百甲將山縣昌景將步騎三千自駿府抵金谷遠與大君遇昌景下拜而過睹大君兵寡欲以徼奇功反騎掩之麾下走就要地奮擊卻之大君怒與甲絕遂遣兵攻駿府昌景棄營而遁大君與相成謀納氏真氏真自戶倉遣小倉資久城于駿府今川氏遺臣岡部正綱等相聚守之豐侯聞橘急曰是腹心之患也乃命道雪與佐賀行成還師益之以生兵步騎八萬徑赴橘與藝師鏖戰累日不決

大窪新十郎後相
模守

紀伊守國久

式部大輔誠久

左衛門大夫敬久

助四郎勝久後左

衛門尉

乃對壘相持六月武田氏伐相次鳴鳥豆甚雨及之相人乘夜襲營甲師驚潰會水溢衝營糧仗蕩盡信玄遺章旗而遁天方飯田並遠拒我命大君攻天方柳原康政天野康景大窪忠鄰先登下之又伐飯田取之天文季年雲侯晴久以讒殺叔父國久及其二子誠久敬久悉滅其黨誠久季子勝久生二年奶者匿之得脫晴久大索不得既長為僧居京師東福寺勇悍趨捷多膂力潛修武技不事戒業及雲亾遺臣山中幸盛立原久綱等奔京師困蹶數歲竊圖恢復聞藝豐交兵日元就耄老將歿兩川在筑紫不得輒

德川 卷之二

○十二年

○三十五

懷德堂

左中將信意
下總守雄利蹟能

還此機可乘乃勸勝久還俗擁以為主糾合舊臣獲
數百人勝久率之馳如但舊守護山名宗僊為募海
盜舟納諸隱隱人服從秋七月遂入雲益傳檄於四
方分兵鈔掠雲頗服伯石響應騎至數千前後下二
十餘城求好於備前侯直家直家出兵助之藝侯分
兵所在策應不能定於是山陰大亂唯天野隆重為
藝守富田固拒不下勝久乃據末次新山並雲南朝時
北畠准后親房子右府顯能為伊勢國司子孫繁衍
世襲其任乘世亂頗封殖焉七傳至中納言具教庸
劣不振其子信意尚弱立之而老其族木造雄利幼

八世孫木造左中
將倫子或云木
造兵部頭貞之庶
子
左衛門佐具康兵
庫頭貞之子
右馬允嘉隆後大
隅守
忠三郎氏卿後飛
彈守
第二子信雄幼守
茶茶後陸内大臣
晚號常具
太郎左衛門輝弘

為僧而好武見本宗寢衰勸其族具康同作亂濃侯
時之也八月帥師助具康雄利伐勢取淺香其統内
諸城主九鬼嘉隆等皆降雄利請為瀧川一益假子
冒其姓蒲生賢秀子忠三郎氏卿年十四武而敏悟
先登獲甲首濃侯大懼尋以女室之九月前圍大河
内勢治使瀧川一益焚郭取禾城中糧竭具教行成
請養濃侯少子信雄為嗣妻以女許之濃侯下令悉
撤保鄣毀關闕征以優商旅使信雄冒姓北畠居船
江而反後三年成昏云大内輝弘故周侯義隆季父
與義隆有郤出外陶氏之難求納不得逃奔豐

豐侯宗麟善待之。及橘役，宗麟嗾輝弘如周作亂，給以兵五千。是月輝弘航海，進入山口，召募得兵數千。土寇競起，應之。山陽亦亂，然大内氏之亾既久而輝弘庸愚，故鉅豪大族皆戴毛利氏而不肯通謀。輝弘心懷危懼，不敢進。冬十月，武田氏伐相，戰于三增，相師敗績。信玄薄小田原，相人保於駿地者，往往棄城。若還救，藝師聞國有亂，大駭。兩川欲歸，恐豐人追躡，乃竭力攻橘者，累旬竟拔之。乃置戍班師，修陣固列。兩川殿而退。豐人請追，戶次道雪弗聽，曰：「其師甚整，未可冀也。」乃諭橘戍者行成，戍者致城而去。豐師乃

罷道雪留而守橘。藝侯令元春元長徑前討輝弘。輝弘軍懼而潰，輝弘與數百騎南走，抵海濱，船皆望風先逃，轉至受野，兵益落，追騎亦至。輝弘自殺，所在土寇亦弭散。國中悉平。十一月五日，武田氏轉攻蒲原。駿北條綱重為相守，捍禦不屈。甲侯曰：「是不可力爭，可以謀取。」六日，陽班師。綱重空壁追躡甲侯，令公子勝賴率輕騎間道入其壁。相人望見，褫氣。甲入夾擊，敗之，獲綱重，斬首七百餘級。遂進圍駿府。岡部正綱以城降，甲侯分兵據小山。遠大君令松平真乘攻之。大君欲都于引間，城惡乃撤之，改築其西南。是

歲夷船始至長崎前肥先是外船往往至界府及筑之博臺豐之府內而長崎地形尤優乎湊泊於是多就焉以互市云

○

元龜元年庚午春正月大君徙治於引間改命曰濱松使世子信康居岡崎駿之匹也小原鎮實獨守華澤駿不下駿騷人三浦義鎮實鎮實子亦匹在華澤廿六日武田氏攻華澤拔之鎮實義鎮逃投高天神遠以其城主小笠原長忠有舊也義鎮途與鎮實相失遇土人誰何告以實土人皆曰是虐民誤國之賊乃悉奪衣馬捶擊幾死既而裸體被苦達高天神

小笠原與八郎

長忠知大君淡憎義鎮併父子殺之義鎮臨死輒轉號呼曰劊刑唯命願免一次劊手粹頓之地以斷其首聞者彈指長忠棄尸以餒野獸大君聞快之而心薄長忠藝侯元就遣輝元及元春降景白石人雲討尼子勝久與其將山中幸盛立原久綱等戰于布辨大破之進迫勝久于末次勝久不能支走新山先是勝久分兵欲自備入藝益求援於浮田氏浮田氏助之攻備中諸城下之於是毛利氏令穗田元清趕備伐諸城降敵者悉復之尼子浮田之軍不能爭而罷越前侯朝倉義景好內而廢政二月織田氏將

六郎左衛門元清
隆景弟後伊豫守

逸史 卷之二

伐之使人來乞師。大君使酒井忠次如濃請師期。三月濃侯潛師先朝京師。大君率兵一萬繼之。聲言觀於京畿。夏四月相侯氏康遣其相松田憲秀擊甲將小山田彈正于淡澤。駿不利已而相侯又使世子氏政率兵數萬刈淡澤之麥而還。初相侯以復今川氏為名因欲併駿。於是知甲國難力爭乃罷兵給氏真以早川之田使為寄公。十四日將軍義昭享濃侯及大君公卿及畿甸侯伯皆會。詔敘信長正四位下。廿日治兵遂赴越前。濃侯自江。大君自若井三日。詔改元元龜。廿五日。大君會濃侯于敦

賀前越師圍手筒取之。進下金崎。濃侯分兵遣丹羽長秀明智光秀徇若初緒谷侯淺井長政。即濃得姻益。暱於是猝與越通謀。間濃師淡入。舉兵斷其歸路。江人多畔。應之。濃侯聞警不信。飛報三至。懼欲遁。越侯義景出兵綴之。濃侯邀大君問謀。大君曰。亾何也。備州雖勇而見事晚矣。公請遄入京師。歸路必未及塞。若留猛將一人乎。某助之為後拒。保其無他。濃侯大喜。乃顧眾曰。孰能殿焉。諸將相目不言。羽柴秀吉前曰。臣請留。濃侯壯之。與選兵三千乘夜趨京師。朽木城主元綱嘗納款于濃侯。於是聞其急率兵邀

逸史 卷之二

○元年

○三十九

懷德堂

民部少輔植綱

平右衛門直茂後加賀守初名信生

之濃侯猜其禍心不敢前元綱乃脫甲捨軍獨進以
 示意遂送入洛初足利氏之衰世臣宿將皆跋扈動
 輒作亂逐主獨元綱父植綱一心奉戴終始弗渝於
 是元綱亦不墜家聲世人美之秀吉勒兵布陳越人
 不動廿九日大君與秀吉合甲退抵朽城長秀光
 秀在若路糧不能還大君分兵援之亦得達朽城
 時盜賊充斥且鬪且行晦日入京師濃侯大悅乃謀
 伐湖北戒師期五月豐侯宗麟再出師入肥伐佐賀
 肥侯隆信與臣鍋島直茂逆擊大破之豐侯益發兵
 繼之十八日大君至自京師湖南之亾也故侯承

孫一郎景健

禎踰伏山谷十九日濃侯自京師還過千艸嶺江承
 禎遣客善住操銃狙發中袖而不入六月承禎聚群
 盜軍于益須四日濃將作間信盛柴田勝家擊破之
 餘眾弭散十七日濃侯率兵三萬五千伐江克陷諸
 邑廿一日進攻緒谷主人不出轉圍橫山橫山告急
 於緒谷先是緒谷求援于越前越侯義景令朝倉景
 健率兵一萬五千赴救緒谷侯長政將兵八千會越
 師軍于大寄廿六日大君將步騎五千會濃師于
 龍鼻廿七日長政議曰今距龍鼻五十町直馳則兵
 疲不可用乘夜徙野村三田黎明擊其不意可以逞

矣。夜潛勒眾。濃侯望燎曰。今敵移陣。詰旦必來。不可不備。遂分兵為十三隊。別令丹羽長秀當橫山。謂大君曰。公請當江人。公兵寡矣。我且益之。乃使稻葉通朝從。因貽大君以一槍。曰。是為源鎮西箭鏃。公源氏裔胄。且日之事。其以斯槍揮眾。用樹殊勲矣。余鹵簿中。舉比鞞是也。大君作四軍。酒井忠次為前驅。石川數正為申驅。大君率中軍。通朝率後勁。質明。江人軍于野村。越人軍于三田。濃侯又使來謂曰。江為濠隄。我親當之。公請擊越人。大君對曰。唯命是從。忠次諫曰。處分已定。今而移陣。眾心必動。大

稻葉伊豫、晚號
鉄

池田勝三郎、晚號
勝入

君曰。江寡。越眾舍弱趨強。我武多矣。遂引兵而西。夾姊川而陣。越騎百餘先濟。本多忠勝擊卻之。越人又濟。我前驅。申驅承之力。戰。越人或射松井忠次。貫左手。著鞍橋。忠次命卒拔矢。反射斃之。越師益進。江人見越師競亦濟。濃前軍。獵焉。池田信輝。羽柴秀吉。迭進。皆北。江人直衝濃中軍。越人亦已逼麾下。大君忿。舞鎮西槍。帥士顧柳原康政。本多廣孝。曰。盍以偏師衝擊。二人涉澤而馳。與麾下倚角。士皆殊死戰。呼聲動地。越師敗績。乘勝追北。斬俘甚多。江人勢沮。通朝乃以後勁橫擊之。大君亦轉旆。沿姊川而進。

與濃三萃於江師。江師遂敗績。追擊至大寄而還。濃侯見大君謝曰。今日之功。百韓千彭。不足望。後塵贈遺甚厚。橫山潰。諸堡多降。濃侯使秀吉守橫山。秀吉請曰。備州大敗塗地。其良多矣。今進逼緒谷。一鼓可殄矣。濃侯弗聽而罷。大君至自師。東諸侯聞此役也。皆淡服。大君壯武。推為海道第一。秋七月。濃侯獻捷京師。大君與越後上杉氏通好。寄公氏真价之也。八月。大風拔屋。敗稼。遠參尤甚。大君令三奉行巡視。賙卹有差。百姓忘蓄。逸史氏曰。詩云。不解于位。民之所暨。大君可謂不

山城守康長。晚號笑岳。長慶弟。

解也已。其民於是乎暨矣。藝世子輝元在雲數月。與尼子勝久會戰。驟克又伐郡邑。畔者往。下之會。藝侯有疾。於是引還。吉川元春留守富田。尼子氏不敢動。三好康長與族人自阿入津。誘泉紀賊以反。據野田。福島。濃侯親往討之。九月。足利義昭帥師。次浦井。三好義繼。松永久秀。次茨木。池田伊丹有馬等城主。從義昭軍于天馬。濃侯軍于天王寺。石山本願寺主光佐。如舉兵。應賊。石山即大阪。初。光佐鼻祖親鸞。以優婆塞自處。其居亦就尋常第家。八世至兼壽。如蓮。最有才辨。大振祖風。始祝髮。

著緇而啖肉蓄妻自若乃新置佛刹于山科山科背命以本願寺天下支派儼然稱僧寺者昉於此天正初年與細川晴元有惡晴元力不能制嗾法華揆攻山科燔之伽藍皆燼兼壽奔大阪次年驅其黨作亂進攻界府逐晴元會法華黨赴救行成而罷遂創石山巨刹命以舊號四民歸依益熾其曾孫爲光佐織田氏嘗相石山地形曰是可以城焉乃使人謂光佐曰宜見致石山可易之地從所請其必給貲營伽藍以依布金之例光佐以迹似見逐又恐其食言蓋吝未承命其徒強聒之曰吾法之闡揚拔新者實係蓮如

按及豐臣氏興就石山城址營都城城中有蓮如井今存城外正門前者卽是也

又左衛門利家後筑前守又加賀大納言

上人上人垂迹之地不容有寸移光佐遂固辭使命信長忿曰我當以力取之及是役意實屬石山光佐聞濃師出廉其情乃決意而反移書五畿及紀越諸國一揆舊黨就寺設塹壘以自守焉四方末寺門徒會者五萬餘信長度其難猝制聲言攻野田福島移軍天馬賊黨大懼康長等往往出降餘眾潰十四日石山賊五千取杜口河禾濃侯縱兵擊之賊多出銃手濃人奔死傷頗多前田利家單騎而殿賊不敢前利家尾國荒子邑人少而豪邁爲織田氏微者從軍數有首功得補偏裨於是著稱十八日濃師再與石

卷之二 元年 四十三 懷德堂

山賊戰復敗

逸史氏曰織田氏之於一向宗也始未有意於滅之特利其土地耳乃諭以易地申之以營造未為處之之暴矣光佐氏獨狃便安以轉移為恥遽啓兵端一朝之忿殃延數歲彼此之民肝腦塗地所在黨與信誑誘以嬰誅夷亦幾千萬其慘蓋不可言矣吾聞之也浮屠之人以慈悲忍辱為業貪嗔殺生為戒今而如此固當可勝歎哉

武藏守可成初三左衛門

十九日越前使朝倉景鏡率兵如江與緒谷合兵攻阪基濃將森可成歿之可成初仕齋藤氏去仕織田

長可成第二子諸書多誤作長一

氏織田氏之挫駿勦濃可成皆與有力焉可成子長可及蘭丸竝以勇著云越師江師進焚大津醍醐山科與叡嶽延曆寺僧合謀斷濃侯歸路越侯義景大舉繼至佐佐木承禎舉兵應之軍于益須織田氏大愕與義昭班師馳入京師石山賊追尾柴田勝家前田利家佐佐成政擊卻之信長次于滋賀江義昭軍將軍冢山越人江人保于叡嶽信長為長圍使人來乞師大君使石川家成酒井忠次赴援屢與承禎戰信長使人招諭叡嶽僧徒且曰今不從則我必焚滅赭山僧皆弗聽嶽僧素衰侈不持戒至此益收婦

越前守一宣、佐竹氏之裔

女貯酒肉號為犒師公然作姦信長滋怒冬十月相
侯氏康卒世子氏政代侯而暨甲平甲侯尋喻相除
寄公氏真氏真聞之來奔大君與之近邑善視之
大友氏患佐賀師無功屢發筑後習流數千助之龍
造寺氏使鍋島直茂逆而擊之三戰皆克又夜襲豐
營大獲豐人築長圍守之者累月於是織田氏傳大
君義昭教喻結成豐師乃罷尼子勝久出兵襲末次
吉川元春聞警自富田赴援勝久宵逃還新山元春
追擊摩新山壘縱火而還勝久畏懦不能尾初洛師
西岡人革島一宣三好氏亂失舊采濃侯為復之一

市助秀存

刑部丞忠宣

宣奮欲自効於是因細川藤孝言於濃侯曰請率其
屬入越擣虛以撓之濃侯悅許之一宣乃與子秀存
忠宣騁至丹後招喻海盜以舟師抵越前縱火攻陷
郡邑越前侯義景聞之始懼十一月承禎降濃越人
勢益屈且患北地雪深因義昭行成初甲人屢侵越
後又侵濃參之鄙於是上杉氏使人於濃師請通好
以圖甲織田氏許之迺與越後連和而與甲聘問如
故晦日義昭親抵湖上園城寺居間三國天皇
亦下京詔平之十二月王人如師濃侯與越江交
載書各罷歸大君異父弟久松義勝拘于駿多年

卷之二

元平

○元年

○四十五

長惠

及駿_レ込_レ爲_レ甲_レ人_レ所_レ奪_レ是_レ冬_レ逃_レ歸_レ跋_レ涉_レ氷_レ雪_レ足_レ指_レ皆_レ墮_レ

大_レ君_レ哀_レ愍_レ厚_レ撫_レ之_レ

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

